

CIBUS & POTUS mediocriter sumendus. Cibi sint boni & laudabiles, benè aromatisati. Vitandi, qui facilè putrescunt. Cerevisia bibatur benè defecata & vinum bonæ famæ.

AEREM, qui sibi timet, tanquàm causam communem, vitet, præsertim eandem domum vel locum, qui hujusmodi febricitantes alit, fugiat. Qui verò ægrotos visitat, resque eorum agit, corrigere eundem poterit assumendo frustulum de myrrhâ rubrâ, de radice angelicâ, zedoaria, Ireos florentina, benlenii, idemque in ore gestando & sensim & sensim dentibus comminuendo. Delicatulis sequentes parari poterunt rotulæ.

℞. *spec. liberant.* diambrae a. ʒj.
extracti angelicæ, juniperi a. ʒß.
sacchari purissimi in ∇ *cordiali Saxonia. q. s. soluti* ℥ß.
 o angelicæ, caryophyllorum, citri a. gt. x.
 f. l. a. rotulæ. S. *Bewahrt Küchlein.*

Dosis ij. iij, vel iiij. Matutinis & pomeridianis horis ante exitum sumendæ.

Majorem adparatum talium formarum exhibet *methodus Rolfinciana* sæpiùs citata.

SOMNUS & VIGILIAE debitò se habeant modò.

MOTUS nimis vitetur, agit humores & disponit ad incendium. *Mediocris* à putredine præservat, sanguinemque stagnantem refocillat. **QUIETIS** leges observandæ.

RETENTA ad naturalem exitum sunt disponenda. **ALVUS** voto respondeat; sin minùs admonenda lenientibus, vel *pilulis Rolfincianis trium regnorum, Glassianis, Francofurtensibus*, vel aliis.

Sanguineis multò abundantibus semine, ne putredinem acquirat, sanguinemque inficiat, veneri litare concessum est, sanitati que suæ hòc modò multos consuluisse constat. Itatamen exercenda, ut moderata sit & honestatis leges non interrumpat.

ANIMI PERTURBATIONES sunt fugiendæ & præ omnibus *metus, terror, anxietas & ira*, quæ sola nonnunquàm causam excludit.

SOLI DEO GLORIA.